



Broj: 05/7-50-13-696-20/12

Sarajevo, 25.1.2012.

Z A P I S N I K

20. sjednice Vijeća nacionalnih manjina Bosne i Hercegovine, održane 25.1.2012.

Sjednica je počela u 12.10 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Jovanka Manžalović-Šalaka, Nedeljko Tomašević, Halil Bicađ, Darko Kovč, Hakan Varan, Andrija Svatok, Iren Milivojević i Marija Grbić.

Opravdano su odsustvovali: Tihomir Knežiček i Jakob Finci.

Sjednici su, također, prisustvovali: Milan Jovanović, predstavnik Ministarstva za ljudska prava i izbjeglice BiH, Vehid Šehić, Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH.

Članovi Vijeća **jednoglasno su** usvojili sljedeći

DNEVNI RED

1. Usvajanje zapisnika 19. sjednice Vijeća nacionalnih manjina BiH;
2. Informacija o učešću predstavnika Vijeća nacionalnih manjina BiH u radu Privremene Zajedničke komisije oba doma za sprovođenje presude Evropskog suda za ljudska prava u Starzburu u predmetu Sejdić i Finci protiv Bosne i Hercegovine - Vehid Šehić;
3. Informacija o Javnom pozivu za kandidiranje u članstvo Vijeća nacionalnih manjina BiH;
4. Razno

Ad.1. Usvajanje zapisnika 19. sjednice Vijeća nacionalnih manjina BiH

Članovi Vijeća jednoglasno su usvojili zapisnike 18. sjednice i 19. sjednice Vijeća nacionalnih manjina BiH.

Ad.2. Informacija o učešću predstavnika Vijeća nacionalnih manjina BiH u radu Privremene Zajedničke komisije oba doma za sprovođenje presude Evropskog suda za ljudska prava u Starzburu u predmetu Sejdić i Finci protiv Bosne i Hercegovine - Vehid Šehić;

Predsjedavajući Nedžad Jusić otvorio je raspravu o ovoj tački dnevnog reda.

U raspravi su učestvovali: Vehid Šehić, Marija Grbić, Darko Kovč, Nedžad Jusić, Neđeljko Tomašević, Halil Bicaj, Andrija Svatok, Hakan Varan, Milan Jovanović i Jovanka Manžalović Šalaka.

Članovi Vijeća su jednoglasno usvojili sljedeće **zaključke**:

Vijeće nacionalnih manjina BiH daje punu podršku Vehidu Šehiću u radu Privremene zajedničke komisije oba doma u vezi s provođenjem presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine, s tim da Vijeće nacionalnih manjina BiH ostaje pri amandmanima koji su predhodno upućeni Privremenoj zajedničkoj komisiji.

Vijeće nacionalnih manjina BiH predlaže da se organizuje zajednička sjednica Vijeća nacionalnih manjina BiH sa entitetskim savjetima nacionalnih manjina, ukoliko dođe do saznanja da bi amandmani upućeni Privremenoj zajedničkoj komisiji mogli biti usvojeni, kako bi se zauzeo konačan stav o ovom pitanju.

Ad.3. Informacija o Javnom pozivu za kandidiranje u članstvo Vijeća nacionalnih manjina BiH;

Predsjedavajući Nedžad Jusić otvorio je raspravu o ovoj tački dnevnog reda.

U raspravi su učestvovali: Milan Jovanović, Andrija Svatok i Neđeljko Tomašević.

Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH dala je obrazloženje vezano za Informaciju o Javnom pozivu za kandidiranje u članstvo Vijeća nacionalnih manjina BiH.

Članovi Vijeća su jednoglasno usvojili sljedeći **zaključak**:

Vijeće nacionalnih manjina BiH predlaže Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH da pokrene izmjenu Zakona o zaštiti prava pripadnika nacionalnih manjina.

Ad.4. Razno

Nije bilo rasprave o navedenoj tački dnevnog reda.

Sjednica Vijeća završena je u 14,25 sati.

Sastavni dio ovog zapisnika je tonski snimak 20. sjednice Vijeća.

Predsjedavajući Vijeća nacionalnih manjina BiH

Nedžad Jusić